

38331

地2701117
42
115

祁陽縣志



福陽縣志

辛未孟冬

老父書

祁陽縣志卷一

邑人李 獲纂

疆域第一

記曰禹主名山川零陵以石峰特起奇零不屬名唐人有謂以舜

陵名者非泉陵以耶薑山四周出泉名詳見彭徐楷零陵郡主名考邑由泉陵

分置在唐虞為南交內地故大禹名之西漢邑屬泉陵侯國與春

陵侯國鄰春陵有白水鄉今樂山白水險皆春陵地春陵徙封南

陽之蔡陽縣以其有白水鄉也時縣西北略有今湘鄉之南竟邵

陽之東竟東漢移零陵郡治於泉陵以泉陵東南有春陵白水鄉

地縣地過寬乃略割西北置湘鄉縣及昭陵侯國晉辟司馬昭諱改邵陵今日邵

陽故蜀志以蔣琬為湘鄉人斯時尚無祁陽也吳孫亮大平二年

祁陽縣志

卷一 疆域志

分泉陵為泉陵祁陽永昌三縣二縣分治於今一縣地彼時應復

取地屬湘鄉邵陽者歸永昌否則地過隘故縣舊志以蔣琬為縣

人攷水經注沱口水過石燕山東又東過永昌縣南入於湘今磚塘是

漢書承陽應邵注承水之陽顏師古注承水原出零陵永昌縣界

水經注承水出耶薑山耶薑山即三陽山盤互百餘里承水並水

餘溪水胥自出此泉陵實以此名也顏云承水出永昌縣界則永

昌幾盡有耶薑山今邵陽縣東竟湘鄉縣南竟皆永昌縣竟也顏

注承水出永昌縣不云過湘鄉縣故唐初湘鄉南竟為永昌竟而

蔣侯為邑人承水出縣界分縣之時永昌略有今縣西北鄉祁陽

略有今縣東南鄉祁陽以祁山之陽名今衡陽以祁山為岐山不

焉僉曰然于是斥分任其責曹李二君家小康推任倡籌鉅貲喬
貧不能以貨財爲禮也則屬任校訂事二君乃以志稿轉喬喬也
不敏分當居游夏之班贊一辭且不敢況敢以校訂爲任乎奈師
歿矣問難末由矣而此稿之繕寫又半出于門下士之所分鈔其
中不无譌者漏者前後失次者首有而尾不完者勢不能不于闕
者補之紊者理之誤者改之斷者續之其有所不詳者則存之闕
之至于大綱大目則爲吾師之所心裁而手定者是自條理井然
固无庸喬之錯綜于其間也校訂畢質諸二君二君曰可于是付
剞劂而刊焉斯所以盡弟子責也或有謂喬者曰是志也固汝師
受官聘而作者也今三子者集貲而刊之將爲官書與爲私書與

祁陽縣志

卷一

二

喬曰唯唯也否否也吾師之受聘于官官未立局也局立則受官
聘者當非吾師一人之所主卽有吾師此帙抑不過爲修官書者
創一先例耳吾知後之輯者必不能壹是皆以吾師此帙爲本也
卽本此帙爲例亦必有或因或革也或要或刪也甚或改弦而更
張也是則有將來之操觚者存吾三人何敢問焉吾三人之刊是
志也非以邑人而刊官吏之書實以弟子而刊先師之書也師死
而不克傳其書非弟子也以師之書歸諸官經他人之竄亂其說
俾失真傳尤非弟子也爲弟子者止守一先生之言者也故純取
一家之師說而刊爲成書以存其真是固吾三人之私也若夫官
書之訂乃所望于羣公者也因書其意以弁志首已已夏五受業

弟子黃禱謹序附錄志目如左

卷一 疆域志

卷二 事略志

卷三 賦役志

卷四 建置志

卷五 禮典志

卷六 官師志

卷七 人物志

卷八 山水志

卷九 藝文志

卷十 貨物志

卷十一 自序

循吏列傳 職官表

名宦列傳 高逸列傳 武德列傳
科目列傳 師儒列傳 孝友列傳
任郵列傳 技藝列傳 選舉表
婦女列傳 節婦表 耆壽表

邢陽縣志

卷一序

三

正師行狀

祁陽縣志序

縣志一邑之小史也事固甚細也然古今之名物人文之盛衰風俗之醇肆物產之豐歉山川之險易抑有司所宜悉也師固於萬在衡傳發之且言邑令凡諸修志者例遷除無降調惟陳玉祥以獲矯飾之誚去職見修志亦攸關有司之考程顧非與於儒生成一家之言也故吾師受邑尹王邦吉之聘纂修是志也王尹不數月去攷程無所繫遂遲遲至十年之久而不卽成書抑以其無關於著作之林與雖然孔子作春秋以匹夫而見天子之行事乃倣魯史以託王義魯侯國也提封百里其大不過今一邑耳而宣聖且云吾志在是矣則于縣志寧獨可細視乎哉抑視作者之志在

祁陽縣志

卷一序

不在焉云尔吾師之作是志也雖不敢與春秋衡然始于漢武帝元朔五年丁巳終于清遜帝宣統三年辛亥一千九百八十年之間舉凡朝政之得失吏治之良苦鄉俗之貞變人物之臧否善者善之惡者惡之或直書於事下或論斷于篇末與尋常修志者之惟事鈔胥迥然不倫也謂非吾師之志在褒貶思有以改制作俟後賢也得乎惜丙寅歲稿粗易而赤禍流行幾罹文氓之戮師將遁跡于衡邵間山寺中以避黨禍乃以其粗稿付諸門人曹光弼李元濟手師自此遂不復取而詳正矣初不意其遽捐館舍也越二年己巳暮春之初師忽早起行歌奠楹坐化喬等會葬墓廬時聚而議曰是志也既吾師之志在是也爲門弟子者曷可不爲刊

知祁众多也。詰見毛詩。今岐山以南至玉盤山重險疊岡。胥祁山也。水經注餘溪水自祁陽縣南入於湘。今金蘭橋是。

說見李建勳祁陽縣故城

攷羅含湘中記有祁水。蓋餘溪水過祁陽城入湘。人習稱之曰祁

水。猶之沅口水由今祁陽地入湘。人亦稱之曰祁水也。二縣分治。歷晉宋齊梁陳。不易。隋平陳。改泉陵曰零陵。而併祁陽永昌。應陽入零陵。既而復立祁陽。祁陽併有永昌地。唐武德初亦併入零陵。旋復置貞觀元年省祁陽。四年復置。於是祁陽併有永昌縣地。今縣今名相沿不改。自漢移置春陵於南陽。故白水鄉屬我縣。南竟自六朝置衡陽。邵陵。故湘鄉。邵陽。割我縣北竟。今承水出邵陽。過湘鄉。不與我縣相涉。然我縣北竟。尙略有石師山。唐後。晝竟不與

祁陽縣志

卷一

疆域志

二

漢符亦不與六朝符。自唐至今千餘年。宋仍唐故。元襲宋。舊明定縣爲十四里。古以田九萬畝爲里。明以爲二里。里各有長。以董賦役。清更爲十六鄉。亦以董賦役。所謂晝界。既正田祿。可坐而定也。今縣界東西約廣百九十里。南北約袤百三十五里。不惟難與侯伯子男之封。卽以擬古附庸。而有款者。古封國以田計。里不以地計。里邑僅田六十三萬餘頃耳。知分爲兩縣時。廣袤皆略。所有羸併爲一縣。知必各有所損。自唐以來千餘年。舊竟不能復。問特就明清所定縣界之沿於唐宋者。詳記之。

直徑自縣治西南至永州百里。自坊廓鄉南至零陵縣界黃公隘十里。一驛三驛。曰長流。富里。畫錦。鋪三十五里。北至永豐鄉。畫鼓

陪九十里與衡陽界東北至排山上和平鄉百零三里十里一驛
十驛曰楓林栗木熊羆搭橋大營黃土紅橋東富白鶴排山與清
泉縣界東至下歸陽鄉土坡石濠百里與常寧縣界西至上文明
鄉洞田鋪廿里一驛六驛曰石橋黃岡文明香塘羅田鋪百廿七
里與邵陽縣界西南至文明鄉李家橋九十里與東安縣界至長
沙省城五百六十里至湖北武昌府督軍駐所一千一百里

周綫從正北畫鼓山與邵陽衡陽接界右爲衡陽長樂左爲邵陽
中鄉由畫鼓山北東廿里至石師陪亦曰表山石師陪北迤東三
十里至長老山俗曰長老殿西界衡陽東界清泉由長老山北迤東六
十里至排山由排山迤東廿里至寨陪由寨陪廿里至混塘堰由

邵陽縣志

卷一 疆域志

混塘堰五十里至糧船埠皆與清泉界糧船埠臨湘水西與清泉
界東與常寧界由糧船埠迤東十有五里至河州吳水又東迤南
二十五里至伍家圍樂山皆與常寧界由樂山東迤南三十里至
欽江與甯遠界至楓木山南迤南三十里至九牛壩以南禹龍池
與寧遠零陵界由九牛壩大忠橋三十里至黃公陪由黃公陪迤
西南至滴水岩過湘水而西南十里至黃陽司與零陵界由黃陽
司迤西三十里至四望山烏楓鋪與邵陽界由烏楓鋪西迤北四
十里至羅城與邵陽界由羅城西迤北五十里至畫鼓山其與各
縣界皆犬牙相錯間有樹豐碑立界石者周約四百六十餘里縣
分四隅由壽井門出城官道東爲東隅西爲北隅由甘泉門出城

右爲北隅左爲西隅驛馬門對河自滴水巖沿河以東南皆南隅
東有上祁陽鄉下祁陽鄉上和平鄉下和平鄉其東南曰上歸陽
鄉下歸陽鄉南隅有普樂鄉興慶鄉新化鄉西隅有上文明鄉下
文明鄉其西北曰永隆鄉太平鄉永昌鄉北隅有永豐鄉鄉各十
區

其形勢阻山帶湘湘貫其中二百五十有五里入湘之水四西北
曰沅口水餘溪水二水浸吾邑東西北三隅而流入湘南曰白水
吳水白水有三源亦足浸邑南隅水經注不竝錄者經過無邑城
而舟行不及遠也吳水尤無論矣名山以數十百計名不足數者
以千數百計涂杠輿梁以數百千計義渡以數十百計虛市名者
祁陽縣志

卷一

疆域志

四

以數十百計小市隨在而有北有熊巖陰南有黃公陰亦言形勝
者所樂舉也

至若野分翼軫星轄長沙或云分統於荆揚否亦非一邑所係屬
惟是周禮之說者曰司徒以土圭度地土圭寸爲千里分爲百里
我邑截長補短鳥道且殆百里夫固可以土圭之所度者度之矣
又攷匠人建國爲規識日出之景與日入之景晝參之日中之景
夜攷之極星以正朝夕然則日所出入之景與夜之極星固晝量
域者所有事也今海西天文之學日新器械迭出時辰鐘表參以
日圭窮鄉下士皆知考究按荆省志云我邑北極高廿六度三十
分零三十秒夏至日出卯初初刻一十分零二秒冬至日出卯正

三刻零四分五十八秒夏至日入酉正三刻零四分五十八秒冬
至日入酉初初刻十分零二秒春秋分日出入皆以卯酉正初刻
其大校殆不謬與

事略志

漢文帝元朔五年六月王子封長沙定王子劉賢爲泉陵侯同日封定王子定都梁侯前三月封定王子父夫夷侯買春陵侯終西漢泉陵爲侯國

元鼎六年分長沙國桂陽益陵二郡地置零陵郡領縣十零陵營道始安夫夷營浦都梁泠道泉陵洮陽鍾益泉陵與夫夷都梁皆侯國屬零陵不言春陵者元帝時考侯仁以地下涇徙封南陽蔡陽之間因故國名曰春陵也其春陵之在零陵者分析於耒陽泠道桂陽泉陵泉陵應有春陵之西北地殆今白水樂山諸地與

祁陽縣志

卷二 事略志

一

王莽居攝初泉陵侯劉慶謂周公輔成王負展踐阼莽功德同周公宜居攝踐阼莽始僞假皇帝

王莽始建廢漢諸王侯國改零陵郡曰九疑泉陵曰溇澗後漢光武建武五年岑彭與交趾牧鄧讓厚善與讓書陳國威德讓率交趾七郡降岑又遣偏將軍屈充移檄江南班行詔命於是江夏太守侯登益陵太守王堂長沙相韓福桂陽太守張隆零陵太守田翕蒼梧太守杜穆交趾太守錫光等皆遣使貢獻悉封爲列侯六年移零陵郡治於泉陵領縣十三校西漢多湘鄉重安昭陽三縣泉陵第一零陵第二案是年六月辛卯詔曰夫設官置吏所以爲人也今戶口耗少而縣官吏職所置尙繁其令司隸州牧各實所

部省減吏員縣邑不足置長吏可并合者上大司徒大司空二府於是條奏并省四百餘縣移郡治於泉陵當在是時

吳孫亮太平二年以長沙東部爲湘東郡西部爲衡陽郡東部治鄱衡陽治湘鄉分泉陵立祁陽永昌亦當在是年攷晉書地理志劉備歿後孫權分長沙立衡陽湘東二郡孫皓分零陵南部立始安郡北部立邵陵郡按晉書不詳分立年月吳志特詳紀之應從吳志立衡陽而重安湘鄉悉陽入於衡陽界悉與祁陽永昌連故祁陽永昌立縣在此年吳零陵郡屬縣十祁陽第六永昌第七魏陳留王咸熙元年封司馬亮祁陽伯

晉蓋平吳湘湖郡縣悉入於晉零陵郡仍治泉陵屬城十因吳舊祁陽縣志

卷二 事畧志

祁陽第六永昌第七

蓋帝太康元年庚子白龍三見於永昌

惠帝時分零陵都尉地立應陽縣界永昌南境

東晉分零陵東部置營陽郡於是零陵屬城七日零陵洮陽灌陽

泉陵祁陽永昌應陽祁陽第五永昌第六

元帝大興三年冬十一月木連理生零陵永昌

明帝太寧二年七月丁酉封庾亮永昌縣公食邑一千八百戶亮以帝后兄從平王敦沈充之亂同時封者王道始興郡公溫嶠建寧縣公卞壺建興縣公劉遐泉陵縣公蘇峻邵陵縣公攷晉書庾亮傳亮以功封永昌縣開國公因讓不受後亮卒及葬贈永昌公

印綬亮弟冰疏辭不受是亮實不封永昌也

宋襲晉故以泉陵祁陽永昌爲子國應陽爲男國國各置相零陵郡仍治泉陵屬城七祁陽第五永昌第六

文帝先嘉中封南郡王父宣子劉璟祁陽縣侯

孝文帝孝建元年封夏侯祖歡祁陽縣子食邑四百戶臧質說劉又宣起兵命徐遺寶魯爽驅西北精兵來屯江上質帥九江樓船爲前驅已辱天下之半臺以安北司司馬夏侯祖歡爲兗州刺史代徐遺寶遺寶遣兵襲徐州長史明胤不克胤與夏侯祖歡垣護之共擊遺寶於胡陸遺寶奔東海東海人殺之義宣質爽皆死於是柳元景等封賞各有差

祁陽縣志 卷二 事畧志

大明元年夏六月白雀見零陵祁陽獲以獻

苻廢帝景和元年封劉道隆永昌侯食邑五百戶委以心腹之任廢帝忌憚諸父休仁休祐休或等無復人理常於休仁苻使左右淫逼休仁所生母楊太妃道隆歡以奉旨盡諸醜狀明帝卽位休仁求解職曰臣不辱與此人同朝遂賜道隆死

齊襲宋零陵郡仍治泉陵屬縣七亦祁陽第五永昌第六

世祖永明十年封蕭子範祁陽侯子範豫章王嶷之子兄弟十餘人子恪子顯子雲皆好學能文故封子操泉陵侯子範祁陽侯入梁天監元年降封子

梁疆域亦仍齊舊零陵郡治泉陵屬城七祁陽第五永昌第六

天監元年封陳虎牙永昌侯二年降魏封除

天監五年封韋叡永昌侯增食邑七百戶

天監初封趙景悅祁陽縣男旋禽於魏封除

大同八年封蕭通理祁陽縣侯食邑五百戶

陳疆域亦仍梁舊零陵郡治泉陵傳零陵縣曰小零陵領縣七祁陽第五永昌第六

西魏元健封永昌王宇文廣封永昌侯又王質封永昌子無論王侯子未嘗踐封地彼時魏周地未及荆南也或僑立郡縣與然無可攷矣

周世宗毓蓋成元年封宇文亮永昌公按是年封宗室功臣爲國

祁陽縣志

卷二 事畧志

四

公故亮以宗室封永昌亦僑立縣與

靜帝大象元年封宇文椿永昌公攷是時西魏及周尋滇蜀當以永昌郡封王公永昌當以益州永昌言之省志錄於湖南誤

隋文帝開皇九年平陳改泉陵縣曰零陵廢祁陽永昌應陽三縣入焉初置永州總管府大業初復置郡改零陵爲湘源縣改泉陵爲零陵縣統縣五曰零陵祁陽營道馮乘湘源於是興安無零陵名徑以泉陵爲零陵矣

唐高祖蓋德四年平蕭銑置永州領縣四湘源灌陽零陵祁陽舊

唐書吳分泉陵於今縣

謂唐時縣

東北九十里置祁陽今有古城隋平

陳併入零陵蓋德四年復分置移於今治唐時縣治在今縣西南

十里老山灣左近自後永州無泉陵名而永昌併

祁陽焉

太宗貞觀元年并省州縣省祁陽四年復置

貞觀時以縣令親民嘗曰刺史朕當自選詔五品以上各舉堪為縣令者一人時以博陵崔抗為祁陽縣令

肅宗乾元元年二年西原

西原今永安州

賊寇道州湘源邑城戒嚴

上元元年桂州兵破西原賊永州及縣解嚴按唐書乾元元年大食波斯陷廣州西原賊因而寇道永元結刺道州賊退示官吏詩謂賊寇鄰郡不犯此州邊鄙為賊憐憫賊豈知憐憫者哉桂州兵破之而不敢他犯也安史之亂湖湘尚寧而西原賊苦之元結所云西原賊破永陷邵也結後罷道州愛浯溪山水遂卜居焉製山

祁陽縣志

卷二 事畧志

五

旁吾广旁吾字與浯為三吾作文頌唐中興序曰天寶十四年安祿山陷洛陽明年陷長安天子奔蜀太子即位於靈莖明年皇帝移軍鳳翔其年復兩京上皇還京師於戲前代帝王有盛德大業者必見於歌頌若今歌頌大業刻之金石非老於文學其誰宜為按此則結作頌在肅宗時碑刻尚書水部員外郎殿中侍御史元結撰文金紫光祿大夫上柱國魯郡開國公顏真卿書按真卿代宗時封魯國公元載貶公吉州司馬遷撫湖二州刺史書石當在

此時

詳浯溪篇

祁王李祕又乾寧四年封李祺祁王按太原有祁縣祁陽不尋特言祁祕祺皆當以太原祁縣言之省志錄於湖南與西魏及周永

昌之誤同

懿宗咸通九年桂州戍卒龐勳掠衡東下明年康承訓討平之祁陽當桂衡之要實賊經由之路掠劫之禍史未詳

僖宗乾符六年冬十月曹州賊黃巢自閩陷桂廣二州遭疫北還編大桴沿湘下永衡破潭州祁陽百餘里間蹂躪殆遍矣

昭宗光化元年

即位十年
第五元

馬殷據潭州時湘源爲溇州全州灌陽

爲昭州賀州永州屬縣二曰零陵曰祁陽馬氏又於晉應陽縣置東安場

宋太祖建隆三年周保權所署刺史將張文表叛驅永州戍兵下襲潭州保權求救于宋宋遣慕容延釗討之未至保權將楊師璠

祁陽縣志

卷二 事畧志

六

殺文表延釗因取湖南置永州零陵郡軍事領縣二祁陽第二雍熙元年升東安場爲縣實漢泉陵一縣地乃置軍事所以文並不競也陶岳零陵總記多言古漢郡事有以也

制荆湖等路夏稅五月一日起納七月十五日畢秋稅九月一日起納十二月十五日畢繼以荆湖路土多秔稻須霜降咸實十月十日始收租稅

神宗時章惇察訪湖南符本路提點刑獄朱初平措置般運廣鹽添額出賣

高宗紹興二年七月岳飛破曹成追之成越嶺而降于劉豫飛還至祁城北五十里駐營留題云權湖南帥岳飛被旨討賊曹成自

桂嶺平蕩巢穴二廣湖湘悉皆安妥痛念二聖遠涉沙漠天下靡寧誓竭忠孝賴社稷威靈君相賢聖他日掃清強虜復歸故國迎兩宮還朝寬天子宵旰之憂此所志也顧螻蟻之羣豈足爲功過此因留于壁今所謂大營市也又建炎四年題壁曰余駐大兵宜興沿途幹王事過此陪僧僚謁金仙徘徊暫憇遂擁鐵騎千餘長驅而往俟立奇功殄醜虜復三關迎二聖使宋朝再振中國安強他日過此得勒金石不勝快哉此在郴州所留題邑人類刻之

孝宗淳熙六年祁陽旱

十三年閏七月五星聚於軫八月朔日月五星聚於軫

理宗景定元年春二月元兀良哈台由交趾破所通州縣祁陽土

祁陽縣志

卷二 事畧志

七

城立潰至衡州衡陽尉穆演祖同潭帥向士壁破之

恭宗德祐元年永州見二星鬥於中天一星隕

端宗景炎二年邑義士羅飛起兵復祁陽進圍永州凡七月不克冬十二月元兵破祁陽羅飛死之

元至元十年始置急遞鋪鋪各六人凡軍需急奏日夜行五百里於是祁陽有鋪役

至元十四年置永州路總管府領縣三祁陽第二以減古赤食祁陽祿邑五千戶歲歸銀五十錠

羅飛之黨詹一儻聚兵祁陽四望山劉國傑於荃岡之白倉祁陽之烏符嶺衡陽之清化鄉屯兵設團數年乃平大抵是時文相國